



GIUSEPPE CABIZZOSU

BIBLIOTECA

[www.giuseppcabizzosu.it](http://www.giuseppcabizzosu.it)

# Maria Baule

(Ploaghe 1??? - 1???)

## Poesie scelte in lingua sarda



GIUSEPPE CABIZZOSU  
BIBLIOTECA  
[www.giuseppecabizzosu.it](http://www.giuseppecabizzosu.it)

# **Maria Baule**

**(Ploaghe 1??? – 1???)**

Poesie scelte  
in lingua sarda



GIUSEPPE CABIZZOSU  
BIBLIOTECA  
[www.giuseppcabizzosu.it](http://www.giuseppcabizzosu.it)

# **Maria Baule**

**(Ploaghe 1??? – 1???)**

Celebre improvvisatrice satirica di Ploaghe.

## Ancora semus in gherra

Ancora semus in gherra,  
ancora semus gherrende  
cun sos corsos et franzesos:  
tres annos sunt intretesos  
paliende abba et mare  
qua querent assassinare  
sa legge santa et benigna.  
Si torrant a sa Sardigna  
ndelis muzzamus sa testa.  
In Caralis celebrant festa  
pro sos appoderados.  
Que puddighinos los hant istestados  
sos cumpagnos ipsoro,  
issos adorant idolos de oro,  
de attarzu et de ferru  
qua jughent istrumentos de inferru  
cun arte diabolica,  
qua defendimus sa legge cattolica  
cun sas armas in manu.  
Como iscriemus a su soberanu  
qu'istet allegramente:  
semus chirchende unu prepotente,  
unu de cuddos qui faghent s'armada;  
preguntadelos custos quantu nd'hana  
de barcas et navios;  
si Deus cheret qui torramus bios  
dai sa caddigada,  
Sa mama de su rectore isperanzada:  
«Oddeu, o fizu meu!  
non que torrant pius si no est Deu,  
s'intoppant sos de Franza!  
Tota sa vida ipsoro agganza agganza,  
de su male leadu  
fina su babbu ipsoro hant istestadu,  
Parides qui siedas isfinitos  
ma però no est nudda.  
Bennidu s'unu l'istujant que pudda  
et ruet frittu in terra»,  
Ancora semus in gherra,  
ancora semus gherrende.  
Et benint a Zaramonte juilende:  
«A inoghe, a inoghe!».  
Et dai poi sa matessi boghe  
benzesit a Piaghe  
sende sa idda fit in santa paghe,  
ma però s'assustesit;  
cuddu zaramontesu preguntesit

homines et feminas:  
«Una barca franzesa hat in Coghinas  
in s'oru de su mare.  
Pro Deus, mi podides insinzare  
sa domo 'e su majore?".  
Et bessit dai cheja su rectore  
a coglire sa zente  
et de sos militares su sergente  
de sa cavalleria.  
Su capitano de s'infanteria  
bessit sa die in fattu,  
«Et comente faghimus a ricattu?»,  
sos poveros narzesint;  
su rectore 'e Piaghe si offerzesit  
que fit bona persone:  
«Eo bos hap'a dare attenzione,  
benide a domo mia».  
A sos poveros faghent cumpagnia  
varios principales,  
totu bi lis partesit uguals  
su chi s'hat incontradu.  
Ad sas duas de sero hant caddigadu  
cun sas campanas sonende  
et i sos sacerdotes beneighende  
cun su Segnore dispostu.  
«Pro morrer bois, eo sia mortu»  
narzesit «fizos mios»  
si Deus cheret jà torrades bios  
dai sa caddigada».  
Sa mama 'e su rectore isperanzada:  
«Oddeu, fizu meu,  
non que torrant pius, si no est Deu,  
s'intoppant sos francesos».  
Tres annos sunt intretesos,  
ancora semus gherrende.